

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-49-18049/18
Sarajevo, 24.10.2018. godine

Na osnovu člana 100. stav 3. Zakona o javnim nabavkama ("Službeni glasnik", br. 39/14), u predmetu javne nabavke – održavanje računarske opreme za potrebe Općine Novi Grad Sarajevo, u konkurentskom postupku, objavljenom na Portalu javnih nabavki, broj obavještenja 422-7-2-224-3-106/18 od 07.09.2018. godine, rješavajući po žalbi ponuđača IMTEC d.o.o. Sarajevo, na preporuku Komisije za javne nabavke roba i usluga od 23.10.2018. godine, Općinski načelnik, donosi

ODLUKU

1. Uvažava žalba ponuđača IMTEC d.o.o. Sarajevo, izjavljena protiv Odluke Općine Novi Grad Sarajevo, br. 02/12-49-18049/18 od 15.10.2018. godine kojom je prihvaćena ponuda ponuđača ASPO RAIL d.o.o. Sarajevo, u predmetu javne nabavke održavanje računarske opreme za potrebe Općine Novi Grad Sarajevo, u konkurentskom postupku, objavljenom na Portalu javnih nabavki, broj obavještenja 422-7-2-224-3-106/18 od 07.09.2018. godine.

2. Poništava se postupak javne nabavke održavanje računarske opreme za potrebe Općine Novi Grad Sarajevo, objavljenom na Portalu javnih nabavki, broj obavještenja 422-7-2-224-3-106/18 od 07.09.2018. godine.

3. Zadužuje se Služba za zajedničke poslove da obavijesti učesnike u konkurentskom postupku o donošenju Odluke o poništenju postupka javne nabavke.

4. Protiv ove Odluke dozvoljena je žalba u roku od 5 dana od dana prijema iste, a koja odlaže izvršenje.

O b r a z l o ž e n j e

Postupak javne nabavke – održavanje računarske opreme za potrebe Općine Novi Grad Sarajevo, pokrenut je na osnovu Odluke o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14), putem konkurentskog postupka, objavljenog na Portalu javnih nabavki, broj obavještenja 422-7-2-224-3-106/18 od 07.09.2018. godine.

Uvidom u Izvještaj i preporuku Komisije za javne nabavke roba i usluga, utvrđeno je sljedeće:

- da je Odlukom o dodjeli ugovora br. 02/12-49-18049/18 od 15.10.2018. godine prihvaćena ponuda ponuđača ASPO RIAL d.o.o. Sarajevo u predmetu javne nabavke - pužanje usluge održavanja računarske opreme za potrebe Općine Novi Grad Sarajevo.
- da je protiv navedene odluke, ponuđač IMTEC d.o.o. Sarajevo izjavio žalbu u kojoj navodi:
 - da je došlo do povrede postupka otvaranja ponuda, tako što je u tački 3.5.2. tenderske dokumentacije označeno da je rok za dostavljanje ponuda 18.09.2018. godine do 14 sati, a u tački 3.5.3. da će se javno otvaranje ponuda održati dana 18.09.2018. godine u 14 sati i 30 minuta,
 - da je dana 18.09.2018. godine u 14 sati i 15 minuta ovlaštenu predstavnik IMTEC-a d.o.o. Sarajevo bio prisutan u hodniku ispred sale u kojoj je trebalo izvršiti otvaranje ponuda, te da su u 14. sati i 25 minuta članovi komisije izašli iz sale i saopćili mu da je izvršeno otvaranje ponuda, te da su mu omogućili uvid u zapisnik sa otvorenja ponuda kao i u obrazac za ponudu i obrazac za cijenu ponude svih dostavljenih i otvorenih ponuda, na koji nije imao primjedbi.
- da aktom Službe za zajedničke poslove nije obavješten o promjeni termina otvaranja ponuda.
- da je Komisija za javne nabavke roba i usluga ocijenila da su navodi žalbe osnovani koji se odnose na termin predavanja ponuda kao i termin otvaranja istih, obzirom da je komisija greškom izvršila otvaranje ponuda u 14 sati, umjesto u 14 sati i 30 minuta kako je to navedeno tenderskom dokumentacijom. Do navedene greške je došlo usljed dostavljanja ponuda Komisiji u 13 sati i 30 minuta, umjesto u 14 sati od strane Službe za opću upravu (protokola), te kako je uobičajen termin otvaranja ponuda 14 sati, to je Komisija izvršila otvaranje u 14 sati obzirom da nije bilo prisutnih ponuđača.

Kako je ispred sale zatečen predstavnik žalitelja u 14 sati i 15 minuta, to su članovi komisije provjerom u tenderskoj dokumentaciji utvrdili da je termin otvaranja ponuda određeno za 14 sati i 30 minuta, te je predstavnik žalitelja pozvan u salu kada mu je prezentovan Zapisnik sa otvaranja ponuda i obrazac za ponudu i obrazac za cijenu ponude dostavljenih i otvorenih ponuda.

Predstavniku žalitelja je omogućeno da stavi svoje primjedbe na zapisnik u pogledu termina otvaranja ponuda, što je i učinjeno, te potvrđeno njegovim potpisom na zapisnik.

Navodi žalitelja koji se odnose na obavijest Službe za zajedničke poslove o promjeni termina otvaranja ponuda nije osnovan, obzirom da isti nije izmjenjen.

Na osnovu svega izloženog, jasno je da je greškom izvršeno javno otvaranje ponuda prije termina utvrđenog u tenderskoj dokumentaciji, pri čemu je izvršena povreda člana 63. Zakona o javnim nabavkama.


Stoga se uvažena žalba ponuđača IMTEC d.o.o. Sarajevo, te je na preporuku komisije za javne nabavke roba i usluga, a shodno članu 69. stav 3. Zakona o javnim nabavkama, odlučeno kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Sarajevo, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis



Općinski načelnik
Efendić Semir
mr Semir Efendić